

21 Faoilleach 2025

A phàrant/neach-cùraim chòir

San Dàmhair 2024, thadhail sgioba luchd-sgrùdaidh bho Fhoghlam Alba air Bun-sgoil an Àth Leathainn - Broadford Primary School. Rè ar cuairte, bhruidhinn sinn ri pàrantan/luchd-cùraim agus ri clann agus dh'obraich sinn gu dlùth còmhla ris a' cheannard agus an luchd-obrach.

Chaidh sgoil-àraich Bun-sgoil an Àth Leathainn a sgrùdadh le Coimisean a' Chùraim sna 18 mìosan a chaidh seachad. Mar sin, tha sinn air aontachadh leis an ùghdarras ionadail agus an sgoil nach eil an clas sgoil-àraich na phàirt den sgrùdadh seo.

Fhuair an sgioba sgrùdaidh na neartan a leanas ann an obair na sgoile.

- Ceannardas aig a h-uile ìre san sgoil. Tha an ceannard agus an luchd-teagaisg air cultar àraich is cultar cùraim a leasachadh san sgoil far a bheil clann dealasach agus air am brosnachadh gu ionnsachadh.
- Ceannardas na Gàidhlig. Tha an ceannard agus an luchd-teagaisg dealasach ann a bhith a' toirt air adhart agus a' comharrachadh na Gàidhlig. Tha seo air leantainn gu àrdachadh ann an àireamhan luchd-ionnsachaidh na Gàidhlig san sgoil.
- Clann chòir, mhodhail. Bidh iad an-còmhnaidh a' taisbeanadh luachan na sgoile nan eadar-obrachaidhean san sgoil agus sa choimhearsnachd ionadail.

Chaidh na raointean leasachaidh a leanas a chomharrachadh agus chaidh beachdachadh orra leis a' cheannard agus riochdaire bho Chomhairle na Gàidhealtachd

- Bu chòir do luchd-obrach cumail orra a' leasachadh fileantachd cloinne sa Ghàidhlig an dà chuid ann am Foghlam tro Mheadhan na Beurla agus Foghlam tro Mheadhan na Gàidhlig.
- Bu chòir don cheannard agus an luchd-obrach obair còmhla gus coileanadh àrdachadh ann an sgrìobhadh agus àireamhachd, gu h-àraidh le bhith a' meudachadh astar agus dùbhlann ann an ionnsachadh cloinne.
- Thar na sgoile, bu chòir don cheannard agus an luchd-obrach cumail orra a' cleachdadh raon nas fharsaing de dhòighean-obrach airson neartan na sgoile agus na h-ath cheumnan leasachaidh a luachadh.

Chruinnich sinn fianais gus luachadh a dhèanamh air obair na sgoile a' cleachdadh ceithir comharran càileachd à [Dè cho math 's a tha an sgoil againn? \(4^{mh} tionndadh\)](#). Bidh comharran càileachd a' cuideachadh sgoiltean, ùghdarrasan ionadail agus luchd-sgrùdaidh gus breith a thoirt air dè tha math agus dè a dh'fheumas leasachadh. An dèidh sgrùdadh a dhèanamh air gach sgoil, bidh Riaghaltas na h-Alba a' cruinneachadh ar luachaidhean gus lorg a chumail air dè cho math 's a tha sgoiltean ann an Alba a' dèanamh.

Seo luachaidhean Foghlam Alba airson Bun-sgoil an Àth Leathainn

Comharran càileachd	Luachadh
Ceannardas atharrachaidh	math
Ionnsachadh, teagasg agus measadh	math
A' leasachadh sunnd, co-ionannachd agus in-ghabhaltas	math
Ag àrdachadh buileachadh agus coileanadh	Math
Gheibhear tuairisgeul air na measaidhean aig: Dè cho math 's a tha an sgoil againn? (4^{mh} tionndadh) , Pàipear-taice 3: An sgèile sia puing	

Bidh sgrìobhainn nas mionaidiche, air a bheil Gheàrr-iomradh air Toraidhean Sgrùdaidh ri faighinn air làrach-lìn Foghlam Alba aig: [Bun-sgoil an Àth Leathainn | Aithisg Sgrùdaidh | Foghlam Alba](#)

Dè thachras a-nis?

Tha sinn misneachail gu bheil comas aig an sgoil leantainn oirre a' leasachadh. Mar thoradh air sin, cha tadhail sinn air an sgoil a-rithist an co-cheangal ris an sgrùdadh seo. Bheir Comhairle na Gàidhealtachd fios do phàrantan/luchd-cùraim mu adhartas na sgoile mar phàirt de na h-ullachaidhean aca airson aithris air càileachd nan sgoiltean aca.

Friseal Gillan
Neach-sgrùdaidh an Rìgh